Zeitschrift: L'ami du patois : trimestriel romand

Band: 20 (1992)

Heft: 80

Rubrik: Pages vaudoises

Autor: [s.n.]

Nutzungsbedingungen

Die ETH-Bibliothek ist die Anbieterin der digitalisierten Zeitschriften auf E-Periodica. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. Das Veröffentlichen von Bildern in Print- und Online-Publikationen sowie auf Social Media-Kanälen oder Webseiten ist nur mit vorheriger Genehmigung der Rechteinhaber erlaubt. Mehr erfahren

Conditions d'utilisation

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. La reproduction d'images dans des publications imprimées ou en ligne ainsi que sur des canaux de médias sociaux ou des sites web n'est autorisée qu'avec l'accord préalable des détenteurs des droits. En savoir plus

Terms of use

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. Publishing images in print and online publications, as well as on social media channels or websites, is only permitted with the prior consent of the rights holders. Find out more

Download PDF: 25.11.2025

ETH-Bibliothek Zürich, E-Periodica, https://www.e-periodica.ch



Pages vaudoises





In chti dzoua dou 25 dè juyè 1992, lè ré d'on chèlà dza farmo tsô, no j'anonthè na tota bala dzornâ, na chayête po fîthâ le 30 tchim'anivèrchéro dè nouthron groupèmin. A chat'àrè è demi, nouthron kâr de la méjon Remy dè Lojena irè a pou pri pyin. Nouthron prèjidan Dzojè Tsacho dèmandè ou chôfeu che l'avê na ràvoua dè chèkoi è lè badjè po la tsandzi. To le mondo irè inke a pâ Mma Jamolli. To d'on kou, rin mé dè préjidan, ch'irè ètsapâ, cha Nannèta to t'in

pochyin keminhyivè a veri le byan di j'yè. In vuitin deché, delé, l'a yu ke tralenâvè din la dzèbe dou téléfone on tro pye yin in trin dè tchirâ Mma Jamolli po ch'intindre dre k'irè malâda.

Tinke nouthron prèjidan dè rètoua a chô dè pouê po no bayi le fu vê. A chat'ârè karantè, to dè dà, nouthron kâr chè fâ on tsemin a travê la vela dè Vevà, pâchè to drê a la Toua è firè de la pâ dè Muthru, Velanàvoua, prou chur de la pâ dou Valè.

Sylvain, nouthron chôfeu chè prèjintè è no kouâ na bala chayête. Dzojè, to redyè d'îthre por on kou dèkouthè le volan, no kouâ la binvinyête, no chin ti chaluâ in rèya avoui lè j'invitâ è lè akonpanyin, hou ke l'an betâ le bredzon è le dzakiyon chon gayâ rèmarhyâ. A Aigle, nouthron kâr chè touâ chu la gôtse, chè betè a grèpi de la pâ dou "Col des Mosses" ou mitin de la vèrdyà, ti tsalè è di vani.

Ouèt'àrè karanta, no chin dza ou dèchu dou kol, yô toparè, lè ratè ou vintro, le dèdzounon no j'atindè ou Restotel Keller. Apri ke tsakon l'avê pu chè choladzi di duvè pâ, a nàrè on kâ, inke no rè in route de la pâ dè Tsathi-Dé, l'Intyamon, on pâchè to drê a Bulo, Riaz, Machin, Vuilin è rè a gôtse por arouvâ a Chorin a dji j'àrè on kâ. Inke, on bi l'armayi, Djan Tornâre chè djin a no. Din chi galé velâdzo, a rinda le "Dzubyà" no chin rèchu din la fabreka "Milco" pè Yôdo Roprâ, yon di katre frârè ke fan a veri to t'on trin

dè machinè to l'andzouar'è né. No chin j'ou farmo ateri pè to chin ke chè fabrekè din ha méjon. Apri avê fê le toua, no chin dèchindu on tro pye bâ, ou Chahyo di l'agrikulteu po bère kartèta, to chin ofê pè la méjon "Milco". Midzoua è dji, èmoda du Chorin in pachin pè Malèchê, le Tsathèlâ. Kemin nouthron Dzojè dè prèjidan fâ tan bin lè tsoujè, no j'avan pâ dè pochyin d'avê la gardjèta chètse. Dzojè rèbetè a tsakon on vêro chovinyi avoui la totse dè nouthron groupèmin è lè j'anâyè 1962-1992. Ora, chobrâvè tyè mé a inpyâ hou galé vêro avoui lè botoyè ke kotyè minbro l'avan j'ou la hyinthe dè prindre avoui là. Pâ fachilo dè vâchâ din hou piti vêro chin toumâ, din na karyôla ke brinè deché, delé. L'ari fayu chè fére la man avoui dè l'ivouè dutrè dzoua dèvan.

To d'on kou, Dzojè inpunyè le mikrô po no fére a konyèthre ha bala kotse de la Yanne, yô k'irè pyantâ din chon dzouno tin, in chè bayin a chyin dè rin no dre chu lè routhèri ke fajan din ti hou velâdzo.

Midzoua karanta, no j'arouvin ou Kpafé dou Lion d'Ouâ, a Chuvri yô la chouye dè midzoua no j'atindê, ma dèvan dè no j'infatâ din la châla, no j'an j'ou drê a na foto dè famiye rintyè po betâ in vayà lè bredzon è dzakiyon, chuto dè nouthron viche-prèjidan Michel Savary k'èthrenâvè cha bala vithîre ke n'in fajê on vretâbyo chinyà, bravo Michel. Piti a piti tsakon tràvè chon lin. A la trâbya d'anâ, di duvè pâ dou prejidan è cha dàthe prênyon pyethe nouthron minbro fondateu, minbro d'anà, mantinyâre Rémon Chudan é cha grahyàja Gi-Gi, Pyéro Portsè è Hélène Gigax dè Lojena ke rèpréjinton l'achochyachyon kantonale di j'èmi dou patê Vôdoâ, Fanfouè Lambelet dè Puidà, prèjidan de l'amikale di patêjan dè Savegny-Fori. Dèkouthè Nannèta, chè trâvè Ferdinan Rê è ch'n'àpàja dè Remon ke rèprèjinton le kà di "Yèrdza" de la Yanna, on tro pye yin chè trovâvè Djan Tornâre, mantinyâre dè Chorin ou non de la chochyètâ kantonale di j'èmi dou patê fribordzè è po fourni Djan Mâryè Monâ po rèprèjintâ "Lè Takounè", lè patêjan de la Vevéje.

Dèvan dè fére anà a on to bon goutâ ke no j'atindè, nouthron prèjidan pâchè in rèyuva du 1962 a tank'ora la ya dè nouthron groupèmin. Dinche, tsakon pou chè dècharâ è medzi a cha fan tantyè k'arouvichè le kà di "Yèrdza" ridji pè Dominique Oberson. Di tsantèri farmo chuti k'âmon tsantâ chuto di bi tsan in patê. Le tin dè rèprindre lou chohyo a hou tsantèri po ke nouthron prèjidan bayichè la parola a ti hou ke chon outoua de la trâbya d'anà. Di fèlichitachyon è di j'inkoradzèmin châyon dè totè pâ po ke le "Botyè a Tobi' pouèchè fére tsèvanthe. Nouthron minbro fondateu Rémon Chudan

l'a drê li a on fyê kou dè tsapi po to chin ke l'a fê è bayi dè totè pâ po nouthron bi patê.

Ora ke lè "Yèrdza" chè chon dècharâ è ke l'an rèprè lou chohyo, l'i van dè lou balè vouê po youre avoui "la tchivra a Moncheu l'inkourâ è le bok a Pyéro". Lè "Yèrdza", pâ le bok, chon j'ou ahyamâ a chubré.

Ma toparè, l'è dza chi j'àrè è demi, no fô rapèrtchi to chi bi mondo è chè betâ chu le tsemin dou rètoua. On rètoua ke chè fê pèrmi di rèkathalâyè tèrubyè, le mikrô dou kâr l'è pâ chobrâ grantin badê, n'in da dutrè ke chè tsèrvunyivan po l'inpunyi, irè a chi ke povê rakontâ lè pye grôchè kemin lè pye fênè.

Nouthr'n'èmi Henri Thorin l'a djuchto j'ou la tsanthe dè yètâ le mikrô intrè dou "vitz" po rèmarhyâ lè j'organijateu dè chi 30 tchim'anivèrchéro ke pou chè markâ de na pèra byantse.

Kemin le tsemin dou rètoua irè tru kour po vudji le richto di botoyè, nouthron kâr l'a du rèvinyi in d'arê du Atalin tantyè a Bochenin, pachâ pè Tsathi via Blonay po trèpojâ Fanfouè Lambelet è cha Tréjèta dri dèvan la pouârta dè lou bintsè.

Po tsouyi le bi bredzon a nouthron vice-prèjidan, li achebin avoui cha dàthe no l'è j'an trèpoja ou pi di j'ègra dè lou karaye.

To dè dà, no j'arouvin a Vevè chu la pyèthe dou Martchi outoua dè chat'àrè è demi. Nouthron prèjidan to redyè è dzoyà kouâ a tsakon on bon rètoua intche-li.

Na tota bala chayête, yô le dzouyo è l'amihyâ chè ch'iran djin po fîthâ lè 30 t'an dè nouthron groupèmin 1962-1992.

M. Y.



PATOISANTS, A VOS PLUMES!

Les grands travaux de la terre sont plus ou moins achevés... La vie intellectuelle va recouvrer ses droits, notamment notre patois écrit.

Qui donc va nous donner une heureuse traduction patoise de cette jolie poésie qu'ont apprise par coeur des centaines de petits Vaudois de 8 ans; elle était dans le livre de lecture qu'ils avaient à cet âge-là et qui s'appelait "Mon Second Livre" ?

L'été de la Saint-Martin



Un jour qu'il chevauchait sur un chemin des Gaules, Saint Martin² vit un vieux presque nu. Par pitié, Il ôta le manteau qui couvrait ses épaules

El, pour le malleureux, en coupa la moitié.
Novembre glaçait tout, et la bise était dure;
Mais dès qu'à ce vieillard il eut fait ce cadeau,
Saint Martin, étonné, sentit moins la froidure,
Quoiqu'il n'eût plus sur lui qu'un seul pan du manteau.

Le ciel devenuit bleu, l'air chaud, la terre douce; Le soleil rayonnait comme en des mois meilleurs; Et sur les arbres verts, dans l'herbe, dans la mousse, Au chant des nids s'ouvrait la corolle des fleurs.

Depuis ce jour, afin d'en marquer la mémoire, La Saint-Martin, chez nous, ramène un peu l'été... Soyez bons l vous verrez, même en la saison noire, Le renouveau sourire à votre charité.



E. BLÉMONT.

Le nom de la France autrefois.

2 Saint Martin était alors soldat; il devint plus tard évêque de Tours.

Le transmetteur de ce morceau, Paul Burnet, a une autre proposition, un peu dans le même genre (ce pourrait être l'objet d'un concours) : Qui rédigerait un livret intitulé :

Cours élémentaire de patois à l'usage des enfants?

Ce pourrait être un instrument utile dans notre lutte pour la maintenance du patois et une revanche contre les erreurs du siècle passé.

P.B.

